



---

## **Transcript of MPOS Minister's Speech**

Title of the Activity: **IRANUN PEACE SUMMIT**  
Date: October 20, 2021  
Location: Buldon Municipality, Maguindanao  
Audience Demographics: PRO BAR Regional Director Gen. Eden Ugale, 1st Marine Brigade Gen. Jonas Lumawag, MBLT 5 and MBLT 2 BatComs, BARMM Representatives and Provincial Governor Representatives

Speaker: **Hon. Hussein P. Muñoz**

---

AUDHO BILLAHIMINASHAYTANIRRAJEEM.  
BISMILLAHIRAHMANIRAHEEM.

Innal hamda lillah nahmaduhu wa nasta'eenuhu wa nastaghfiruhu wa na'oodhu billahi min shuroori anfusinaa wa min sayyi-aati a'maalinaa; man yahdillahu falaa mudilla lah, wa man yudlil falaa haadiya lah; wa ash-hadu allaa ilaaha illa Allahu wahdahu laa shareeka lah, wa ash-hadu anna Muhammadan 'abduhu wa rasooluh. Rabbi Shrahli Sadri, Wa Yassirli Amri, Wahlul Uqdatan Min Lisaani, Yafkahu Kawli. ASSALAMU ALAYKUM WARAHMATULLAHI WABARAKATUH!

My respect and courtesy to the good Mayor of Buldon, Hon. Abolais Manalao, other dignitaries, guests and the people of Buldon, maganda umaga po sa inyong lahat. Una-una, nagpapasalamat po kami sa imbitasyon at nabigyan kami ng pagkakataon makiisa sa inyong pagtitipon, hindi man ako personal na makadalo, taos puso ko pong ikinagagalak ang inyong pag-imbata at congratulations po sa inyong lahat. Isa pong karangalan ang makadalo kami sa ganitong pagtitipon na may layunin para sa pagkakaisa at kapayapaan na siya ring hangad ng ating ministro para sa buong BARMM. Ang Ministry of Public Order and Safety po ay may mandato para sa katiwasayan, pagkakaisa, at pagbabati ng mga Bangsamoro sa BARMM. Isa po sa mga programa neto ang pagresolba ng Rido sa Lahat ng kumunidad ng BARMM para po mapanatili ang katiwasayan at kaligtasan ng mga mamayan sa BARMM at magkaroon ng kapayapaan sa ating mga pamayanan. Kami po ay naniniwala na ang kapayaapaan ay susi sa ating pag-unlad. Walang pong development kung magulo ang ating mga pook.

Sa Mindanao po, lalo na sa BARMM, maliban sa gulo dulot ng terorismo, kumunismo, at extremism, isa po ang RIDO na hadlang sa kapayapaan at nag uudlot ng development sa ating mga pamayanan. Kinakailang po natin na solusyonan ang balakid na ito upang tayo ay mamuhay na matiwasay at payapa at maginhawa insha allah. Hindi lang po ito isang tungkilin bilang public service as compliance para sa gobyerno, kundi bilang mga Muslim, may responsibilidad po tayo sa pagpapanatili ng ating mga relasyon bilang magkakapatid sa Islamic Ummah alinsunod sa batas ng Qur'an at sa Sunnah ng Propeta Muhammad Sallallahu Alayhi Wassalam. Ayun po sa Qura'an Chapter 49: Surah Al-Hujurat "Innal Mu'minona ikhwatun fa asslihu bayna akhawaykum wattaqullaaha laallakum turhamoon."



The Muslims are brothers to each other, therefore make peace between your two brothers and fear Allah, so that you may gain mercy.”

Wala po tayong rason para hindi magkasundo dahil tayong mga muslim ay magkakapatid at nararapat lang mamuhay ng mapayapa, at nagbabati, nagtutulungan at nanalangin kay Allah. Ginawa po tayo ng Allah sa pamamaraan na tayo ay nanatiling magkaabuklod at may ugnayan sa bawat isa upang magsumikap na matugunan ang ating mga pangangailangan. Sana po ay matuto tayo magpasensya, magpagmahal, at mapagpatawad sa ating kapwa.

Ang inaasam po nating pagbabago at pag-unlad sa bagong tatag na BARMM leadership hindi magtutuloy-tuloy hanggat may gulo sa ating pamayanan. Bilang ministry na may mandatu sa pagpapanatili ng katiwasayan at kaligtasan ng mamamayan ng BARMM, we honor and take with highest consideration the role of the people of BARMM to achieving our desired and long-deserved gains of peace process. Kaya’t ang peace summit na ito, na may temang “Kalilintad ko Iranun, Ompia ko Iranun” isa pong testamento ng inyong pagsisikap sa pagpapatupad at pagpapanatili ng kapayapaan para sa inyong pamayanan. Sa pangunguna po ng inyong Mayor, muli po ay binabati ko po kayo sa pagdaos ng ganitong programa. Hangad po namin na mailayo ang inyong pamayamanan sa mga elemento na makakasira at makakawasak ng inyong kapayapaan at kaunlran.

Muli, kami po ay ang nagpapasalamat sa inyong imbitasyon. Isa po itong hakbang tungo sa kapayapaan at kaunlran nating lahat.

Aqoolo Qawli Hadaa, Wa Astagfirullah. Wa billahi Tawfik Wal hidaya. Assalamu Alaykum Warahmatullahi Wabarakatuh.